



## yāmb a neba! Ad Wënd sɛɛsa zulem sasa yelã n bas yāmbã, la a wug-m-menga ne yaab-rãmbã

Yii a [bn 'Umar nengë (Wënd yard be b yiibã yĩnga): Tı Wënd Tën-tuumã (Wënd puusg la A tulgr be a yĩnga) a goma ne neba, Mak pakrã raare, n yeele: «yāmb a neba! Ad Wënd sɛɛsa zulem sasa yelã n bas yāmbã, la a wug-m-menga ne yaab-rãmbã, rënd nebã yaa neb a yiibu: manegda sën yaa Wën-zoeta n yaa turg Wënd nengë, la nin-wënga sën yaa zu-be-neda n yaa yaalg Wënd nengë. La nebã yaa a Adam koamba, la Wënd naana a Adam ne tom. Wënd yeelame, A Naam zëkame: { yāmb a nebã ad Tönd naana yāmb n yi rao la pagë, la D maan yāmb tı yaa zãmaan fãa ne a neb, la buu-rãmba bul yĩng tı y bång taaba, ad yāmb woor sën yuda Wënd nengë yaa sën yuda ne Wën-zoεeg yāmb pugë, ad Wënd yaa Mita n yaa Minim-tëng-n-biiga} [Al-Hugraat: 13]».

[Naşun Şahuhun (Gom-sikdem sën manege)] [A At-tirmiiziy la a [bn Hubbaan n togs-a]

Nabiyaamã (Wënd puusg la A tulgr be a yĩnga) goma ne neba, Mak pakrã raare, n yeele: yaa yāmb a neba, ad Wënde, A zëkame n yëes n bas yāmba, zulem sasa waoog-m-mengã la a puglgã ne ba-rãmba, la ad nebã yaa kõbg a yiibu: maa tı yaa sıd-kõta n yaa manegda n yaa Wën-zoeta, n yaa tũuda ne Wënde, (A Naam yı wagell n zëke), rënd yãwã soaba a yaa waagell Wënd nengë, baa t'a soab ka bu-bedr soaba, la nin-bedr nebã nengë. Maa tı yaa kıfre, n yaa wënga, n yaa zu-be neda, yãwã soaba yaa yaalg Wënd nengë, a ka zem baa fuı, baa tı sã n mikame tı yaa buud soaba, n yaa nin-bedr nebã nengë, n yaa naam soaba. La nebã yaa a Adam koamba, la Wënd naana a Adam ne tom. Rënd ka sōmb ne ned ning yagr sën yaa tom, t'a waoog a menga la a maan yel-solemd ne a meng ye, la gom-kãngã sıdgre, yaa Wënd koεegã sën yeele, (A Naam zëkame): { yāmb a nebã ad Tönd naana yāmb n yi rao la paga, la D maan yāmb tı yaa zãmaan fãa ne a neb la buud-rãmba bul yĩng tı y bång taaba, ad yāmb woor sën yuda Wënd nengë yaa sën yuda ne Wën-zoεeg yāmb pugë, ad Wënd yaa Mita n yaa Minim-tëng-n-biiga} [Al-Hugraat: 13]».

<https://sunnah.global/hadeeth/mos/show/65074>

